



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXIV. De electione Vocalium ad Capitulum Gen. pro Clericis Teatinis.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1696.  
Causa Confirmationis re late Constitutionis.

Confirmatio præd. motu proprio facta.

Item reformatio quoad locum Congregationis.

Clausula.

LXXIV.

§. 2. Cum autem, sicut accepimus, licet præmissa a memorato Alexandro prædecessore provido, prudentique fuerint constituta consilio, illa nihilominus minime observentur. Hinc est, quod Nos prædicti Collegii indemnitati, prosperoque illius tam spiritali, quam temporali regimini, quantum Nobis ex alto conceditur, providere cupientes. Motu proprio, ac ex certa scientia, & matura deliberatione, nostris, deque Apostolicæ potestatis plenitudine, præsertim Alexandri prædecessoris literas cum omnibus, & singulis in eis contentis, tenore præsentium perpetuo approbamus, & confirmamus, ac innovamus, illisque inviolabilis, & irrefragabilis Apostolicæ firmitatis vim, robur, & efficaciam adjungimus, ipsasque Alexandri prædecessoris literas, & in eis contenta hujusmodi perpetuis futuris temporibus inviolabiliter, & inconcussè observari præcipimus, & mandamus. Ita tamen, ut in posterum memorati Cardinales dicti Collegii Protectores pro negotiis ejusdem Collegii pertractandis non amplius in Aula Congregationis secundo dictorum Cardinalium, juxta eorundem Alexandri prædecessoris literarum præscriptum, sed in ipso Collegio commodius, ac expeditius, occurrentibus illius necessitatibus consulere valeant cum interventu memorati Secretarii dictæ Congregationis, & servata in reliquis omnibus prædictarum Alexandri prædecessoris literarum forma, & dispositione congregari debeant.

§. 3. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus fortiri, & obrinere, ac ab illis ad quos spectat, & pro tempore quancumque spectabit inviolabiliter observari, & adimpleri, nec de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet quantumvis formali, & individuum expressionem requirente defectu notari, impugnari, infringi, redargui, in controversiam vocari, seu ad terminos juris reduci, aut adversus illas restitutionis in integrum, apertionis oris, aliudve quocumque juris, facti, vel gratiæ remedium impetrari, vel intentari, seu impetrato, aut etiam motu, scientia, & potestatis plenitudine similibus concessio, vel emanato quempiam in Judicio, vel extra illud uti, seu se juvare ullo modo unquam posse: Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac Cardinales, & Legatos, necnon Nuntios, & alios præscriptos nunc, & pro tempore existentes, sublata pariter eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac quatenus opus sit, nostra, & Cancellariæ Apostolicæ Regula de jure quæsito non tollendo, aliisque Constitutionibus, & Ordinationibus Apostolicis, necnon omnibus, & singulis illis, quæ in præsertim Alexandri prædecessoris literis concessa sunt non obstare, cæterisque contrariis quibuscunque.

Datum Romæ apud S. Mariam Majorem sub Annulo Piscatoris die 7. Junii 1696. Pontif. nostri Anno Quinto.

Confirmantur tria Decreta Clericorum Theatorum pro electione Vocalium ad Capitulum Generale.

De numero Vocalium pro Capitulis Gen. vide Alexan. VII. Const. ed. 1661. Jan. 10. P. 6.

INNOCENTIUS PAPA XII.

Ad perpetuam rei memoriam.

Inscrutabili Divinæ providentiæ arcana ad Pastoralis dignitatis fastigium meritis licet imparibus, evecti, illa, quæ pro felici, prosperoque Religiosarum Congregationum in Ecclesia Dei pie, sancteque institutarum, ac uberes bonorum operum fructus, adspirante superni favoris auxilio, proferre jugiter satagentium regimine, & gubernio provide, prudenterque disposita, atque ordinata esse noscuntur, ut firma semper, atque illibata persistant, Apostolici muniminis præsidio, cum id a nobis petitur libenter constabilimus.

§. 1. Nuper siquidem pro parte dilectorum filiorum Præpositi Generalis, & quatuor Consultorum Congregationis Clericorum Regularium Theatorum nuncupatorum Nobis expositum fuit, quod cum alias, videlicet anno 1683. in Capitulo Generali dictæ Congregationis tunc celebrato, inter alia editum fuisset Decretum tenoris, qui sequitur videlicet: Ut observantiæ Regularis incommodis caveatur, nullo pacto accedere possint ad Capitulum Generale Præpositi per Vocalium suæ Domus cessionem, sed ii tantummodo Jus accedendi habeant, quibus consueto fortis tempore fors contigerit; Quod si aliqua ex causa, quæcumque illa fuerit, nulla excepta, electio vocalis non fiat, & extractus fuerit calculus Vocalis, tunc neque Vocalis, neque Præpositus ad Capitulum Generale accedat; Decretum vero hujusmodi cum executioni nondum demandatum fuisset, eo quia formæ electionis Vocalium Capituli Generalis Congregationis hujusmodi anno 1668. præscriptæ, ac a felic. rec. Clemente PP. IX. Prædecessore nostro per quasdam suas in simili forma Brevis literas approbatæ adverbatur, nec ullo Apostolicæ confirmationis patrocinio roboratum reperiebatur, Diffinitorium Generale novissimi Capituli Generalis ejusdem Congregationis agnita necessitate in dies majori dictum Decretum executioni demandandi ad tollendas perturbaciones quæ in Gubernio Superiorum localium cessionem votorum sibi a Vocalibus procurantium oriri solent, mandavit, ut pro illius confirmatione obtinenda Nobis supplicaretur. Cum autem, sicut eadem expositio subjungebat, Exponentes præfati, ultra supradictum etiam alia duo Decreta ad diminuenda incommoda, quæ Domibus Regularibus memoratæ Congregationis, & illarum Vocalibus eveniunt, æque necessaria addenda esse censeant, unum quidem totam ipsam Congregationem, alterum vero Domos Regulares S. Silvestri in Monte Quirinali, & S. Andreae de Valle nuncupat. de Urbe dictæ Congregationis respicientia. Primum scilicet, quod in posterum in singulis Domibus Italiæ, & Insularum adjacentium die 2. Novembris, in reliquis vero Domibus totius Congregationis hujusmodi die prima Julii mensium Capitulum Generale dictæ Congregationis respective præcedentium electio Vocalis non amplius juxta formam, sicut præmittitur præscriptam, ac a memorato Clemente Prædecessore approbatam fiat, sed duo calculi, unus albus significans Præpositum, alter niger Vocalem significans in unam mittantur, quod si forte calculus niger extractus fuerit, eo casu subinde, nempe die 2. Mensis Januarii sequentis in Domibus Italiæ, & Insularum adjacentium, die vero prima sequentis Mensis Septembris in reliquis Domibus prædictis ad electionem Vocalis more solito deveniatur. Si vero calculus albus significans Præpositum extractus fuerit, eo casu nulla alia electio fiat. Cæterum quo in forte hujusmodi totum

Exordium.

Decretum 1. an. 1683. de vocalibus domorum pro Capitulo Gener. executioni non mandatum.

Decretum 2. de forma electionis Vocalium sine dolo peragende sub excommunicationis poena.

Decretum  
3. de forma  
electionis  
vocalis in  
Domibus S.  
Silvestri, &  
S. Andreae  
de Urbe.

negotium fideliter peragatur, fraus, & omnis dolus inde sub nullitatis, ac excommunicatio- nis latae sententiae poenis ipso facto incurrendis prohibita sint: Secundum vero, quod cum dictae Domus S. Silvestri, & San. Andreae duabus Provinciae, in quas tota Congregatio praefata dividitur, communes sint, & numerus Vocalium utriusque Provinciae aequalis esse debeat, ideoque dum aliquando altera alteram Provinciam numero Vocalium huiusmodi superat, necesse sit, aut aliqui voce activa, & passiva absque ulla ipsorum culpa destituti remaneant, aut Superior Generalis, ne cuiquam praedictum fiat, tot Religiosos per annum integrum dictis Domibus cum magno illarum incommodo non alio fine, nisi, ut Vocalium utriusque Provinciae numerus tempore electionis Vocalis pro Capitulo Generali sit aequalis, assignare teneatur. Ita in posterum fiat ut pro duabus electionibus in dictis Domibus fieri solitis Vocales omnes unius Provinciae, qui pro tempore in dictis Domibus reperientur, infirmul conveniant, illi quidem, qui erunt de Provincia, ex qua eo triennio fuit electus Praepositus Generalis in Domo S. Silvestri, alii vero alterius Provinciae in Domo Sancti Andreae, atque inibi unaquaque pars suum respective Vocalem pro Capitulo Generali huiusmodi eligat, ut ita absque ullo dictarum Domuum, & earum Vocalium incommodo Provinciarum aequalitas fervetur: Nobis propterea dicti Exponentes humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

Preces Praepositi Gen., & Consultorum.

§. 2. Nos igitur ipsos Exponentes specialibus favoribus, & gratis prosequi volentes, & eorundem singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutos fore censentes, ac memoratae formae electionis Vocalium Capitulo Generalis, necnon praedictarum Clementis Praedecessoris literarum tenores, & alia quaecumque, etiam specificam, & individuum mentionem, & expressionem requirunt praesentibus pro plene, & sufficienter expressis; & insertis habentes huiusmodi supplicationibus inclinari, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepositorum consilio, Decreta praefata (sublata tamen dicta poena excommunicationis) auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robur adjuicimus, ac omnes, & singulos juris, & facti defectus, si qui desuper quomodolibet intervenerint, supplemus; salva tamen semper in praemissis auctoritate Congregationis dictorum Cardinalium.

Confirmatio trium re- latorum Decretorum, sub- blata tamen poena ex- communicatio- nis ex se- cundo.

Clausula.

§. 3. Decernentes easdem praesentes literas, semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Iudices Ordinarios, & Delegates, etiam Canarium Palatii Apostolici Auditores, iudicari, & definiti debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

§. 4. Non obstantibus praedictis Clementis Praedecessoris literis, aliisque praemissis, ac Constitutionibus, & Ordinationibus Apostolicis, necnon quatenus opus sit, dictae Congregationis Theatinorum, ejusque Provinciarum, & Domo-

rum Regularium, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentis ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae, vel ostensa.

Datum Romae apud Sanctam Mariam Majorem sub Annul. Pise. die VIII. Jun. MDCXCVI. Pontificatus nostri An. Quinto.

Confirmatur Decretum Congregat. Rituum de cultu immemorabili B. Mariae de Socos Ord. Beatae Mariae de Mercede Redemptionis Captivorum.

LXXV.

Ab Inn. XI. Const. ed. 1687. Apr. 18. Pont. 11. concessa fuerunt officium, & Missa B. Petri Ar- mengol. Et ab hoc Pontifice Const. sequenti conceduntur Officium, & Missa praed. B. Mariae.

INNOCENTIUS PAPA XII.

Ad futuram rei memoriam.

Lias emanavit a Congregatione Venerabilium Fratrum nostrorum S. R. Ecclesiae Cardinalium Sacris Ritibus Praepositorum Decretum tenoris, qui sequitur videlicet: Barchinonen. Canonizationis B. Mariae de Socos Monialis professe Ordinis B. Mariae de Mercede Redemptionis Captivorum. -- Proposito in Congregatione ordinaria Sacror. Rituum per Eum, & Ratum D. Cardinalem Casanatam dubio: An constet de cultu immemorabili praestito dictae Beatae Mariae de Socos, & an Sententia super eo lata a Vicario Generali Barchinonen. Iudice a praefata Sacra Congregatione Delegato sit confirmanda in casu, & ad effectum, de quo agitur: -- Eadem Sacra Congregatio audito Reverendiss. Archiepiscopo Myren. Fidei Promotore tam in scriptis quam in voce, Instante R. P. Magistro Fratre Martino Salvatore Gilaberte Vicario, ac Procuratore Generali praedicti Ordinis B. Mariae de Mercede huiusmodi Causae Postulatore, censuit constare de cultu Immemorabili, & Sententiam praedicti Vicarii Generalis Barchinonen. esse confirmandam, si Sanctiss. D. N. placuerit. Die 9. Februarii 1692. -- Et facta de praedictis Sanctiss. Dom. Innocentio PP. XII. per me Secretarium relatione Sanctitas Sua annuit die 13. ejusdem Mensis Februarii, & an. 1692. -- A. Cardinalis Cybo. Loco Sigilli. I. Vallemanus Sac. Rituum Congr. Seret.

Dat. 30. Junii  
1696. An. 5.

Decretum  
praedictum  
cum assensu  
Pontificis.

§. 1. Cum autem sicut dilectus Filius Bernardus Carignena, & Spenza Vicarius, & Procurator Generalis dicti Ordinis nobis nuper exponi fecit, ipse Decretum huiusmodi, quo firmus subsistat, Apostolicae confirmationis nostrae patrocinio communiti summopere desideret: Nos ipsius Bernardi Vicarii, & Procuratoris Generalis votis hac in re quantum cum Dom. possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis,

Preces Pro-  
curatoris  
Gen.